

程

石倉十二代詩選 四集卷二十六

斛山稿

大明

富平楊大爵著

後學曹學佺閱

四言古詩

颯颯西風悠悠危困霧掩長空懷此憂疾我生尚存我心難忍告爾君子不可不慎天方威降無滋幽爨

颯颯西風悠悠危困我生不辰遭此難屯告爾君子胡不自盡拯溺救焚伊誰之人天方降威

無爲顛震

颯颯西風悠悠危困自昔以來貽我愁懣告爾君子各宜履順誤國之謀伐國之刃天禍方殷無惜憂瘞

何以圖之周道惟近騏驥惟良莫耶非鈍聽無不聰視無或瞬各欲事天豈敢相迫我爲爾謀爾無不信

丙午年首夏患足疾六月淫雨大作獄屋中水深二尺許囚板漂沒六七日始退重

此濕感不能步履今一載矣殊覺哀憊恐

十身倏殞滅爲七招魂以自慰臥起慷慨援筆

立就詞固不能盡工也丁未年四月二十

五日作

兩足屈樂雙目眩暗身孱罪長影形相伴百憂時觸五內悽慘耿耿策策夜以達旦生理幾何魂將我散嗚呼魂兮魂兮宜莫卽散我內皇聰悟當有渙汗

愚慮參差。成此幽囚。綿綿赤抱。皤皤白頭。過隙
 野馬。涉世浮漚。狂迂速罪。予復何尤。魂欲我去。
 飄忽遠逝。嗚呼魂兮。魂兮。爾無省蕩。骨肉萬里。
 涕泣我望。其三。數目如沙。良馬異長。深泥昧於百憂。
 我生不辰。長夜轉戚。悠悠蒼天。燁燁白日。沆瀣
 瀰漫。乾坤穆沕。哭者既死。嘆者為失。旅魂杳杳。
 十喪六七。嗚呼魂兮。魂兮。哀職爾補。少延須臾。
 孰無肺腑。其四。其五。

其四

陰風瑟瑟。旅燕啾啾。暮雨朝雲。胡為我慙。身世
 窮年。天涯一息。寧為齷齪。羞作鬼蜮。我生為勞。
 魂欲放逸。嗚呼魂兮。魂兮。慎爾先發。與我相須。
 受天之罰。其五。

其五

百感摧剝。寸衷消毀。長昊黃霾。滿腔赤淚。有覺
 殘生。無涯譴崇。發發回風。滔滔逝水。魂如不來。
 伊誰為類。嗚呼魂兮。魂兮。孚我以心。人生遭際。

往古來今

其六

人生幾何。吾豈戀戀。成吾一死。反貽國患。歲序
屢遷。久甘幽難。使我君王。不殺忠諫。魂兮徬徨。
去如飛翰。嗚呼魂兮。魂兮孰非天命。於此永依。
安土以聽。

其七

自我復來。寒暑更度。日月信速。轉看白首。我思
故人。伊誰可友。履義安仁。身類塵上。死也生也。

彼亦何有。嗚呼魂兮。魂兮吾何爾號。恐將一死。
輕於鴻毛。

采葵

幽中惜歲月。日暮采園葵。采之何所用。欲以贈
相知。相知相去遠。道路多阻蹇。安得藉晨風。萬
里寄誠懇。

京師再贈錢員外緒山

結交結君。予茅茹自相連。婿骨憎心癖。孰能示
我愆。相同卽是聖。異處且爲賢。以此求斯道。恐

成狹且偏心。能樂取善。善自我心全。舍已從人處。襟懷何大焉。丁寧再告語。無我自天然。

其二

迂儒多曲語。壯士自平夷。千古周行在。胡爲向小岐。荆榛不自剪。令我此心迷。洞識虛明體。超然卽在茲。性分同一理。此理最淵微。孔聖言仁處。力行不遠而。丁寧三告語。相與憶所之。

贈友

先生藏遠趨微原。欲探討仁風。秀群英禮化淑。

懷抱講堂逍遙處。相與篤皇道。芹宮滋松華。泮池潤瑤草。瑤草日日長。松華歲歲好。君子尚采采。衿佩以爲寶。

送董允恭出獄

我送允恭出獄牆。徘徊別意各悽愴。來逢易水波濤險。去見燕山草木黃。子之故人周給舍。同於幽難久。備嘗迪已不肯甘。流俗論治必欲尚先王。明哲保身雖未得。懷此赤心良可傷。子實聰明心好古。聞其講說輒徬徨。我抱困病足如

鞞。睠念時來顧。臥傍從今別。去消息杳。窘迫相
 與永難忘。三尺禁網脫身去。一片襜褕到長江。
 有手但執瓦缶物。有足莫走聲利塲。世間芬麗
 一染着。能令耳目充無光。丁寧告爾復丁寧。此
 真全身全性之周行。吁嗟允恭既去矣。送子行
 行復行行。回看世故總茫茫。留子露冷風涼夜
 漸長。

雜作

君家有酒酒頗酸。壺筭不輕寘。簞莞昨日偶侍

几席側。一罇將來啓大觀。世人往往喜黃流。豈
 知酸味是仙丹。平生歲月醅酏裏。况此犴狴風
 雪寒。要向酸中通大道。茹飲畧不以爲難。安得
 滌腸酌大斗。免吾觸眼日常嘆。人飲未能成涓
 滴。我飲必須瓦缶乾。人飲不覺看頭皺。我飲曾
 中天地寬。世上酸苦任他入。方能擴盡此心端。
 酒中酸味真能解。勝將周易日坐看。君不見滄
 海茫茫總無涯。納盡人間萬頃湍。

書白樓詩卷

趙總兵號也

將軍之居近白楊。將軍之才冠帝州。育中自有
兵百萬。曾出將府舒國憂。而今久作園中客。邊
塞孰爲胡兒愁。一別囹圄八九月。手執周易誦
不輟。將軍本是儒者流。於此可以觀志節。雲鳥
往時成八陣。韋編此地慕三絕。每向憂中尋樂
處。魯史周文日講說。談文論武擬虛舟。我識將
軍豪興優。身雖凝坐一室間。心在羲皇境上遊。
嗟予真機久未開。狂惑速禍自天來。還幸此日
成良晤。彷彿樂趣散愁懷。世上紛紛苦幽滯。困

亨誰解昔人意。幾時各得歸山林。毋忘爾我自
相契。

雜韻二首

鴈羽衝雲去。燕山春意全。孤踪一路險。衰鬢兩
邊蓬。戢步緣新綠。依隈挹暖風。將吾眼底事。都
付不言中。

其二

地隱春遲到。幽懷更耐看。鴈聲愁遠塞。雲影滯
餘寒。斗笠營秦隴。絲綸坐渭竿。而今耕釣手。枿

歷代詩選 明楊柳山 十
械亦相安。

卽事二首

衰危親杖履。步履轉徬徨。地作臨池濕。天從入
夜涼。清飈輕燕室。雲影暗幽房。孤念蕭蕭在。閒
同歲月長。
飄其三。去燕山春。意全。亦。一。部。劍。莫。漫。兩。
結髮交遊好。同舟涉渭濱。壯懷今若此。老淚更
堪頻。險地忙爲苦。長天去是真。知從大夢裏。自
了百年身。

園中有感

燕語遺牕外。薰風入臥邊。直懷死諫易。歲序幾
經遷。險步終成躓。雙毛半已顛。獨憐憂世念。空
向九重懸。

有感二首

老去心猶壯。詩成一洒然。襟懷羞屢屢。風景嘆
年年。竚立凶危地。優游日夜天。死亡誠旦暮。終
不受人憐。

其二

歷代詩選

月易斜山

四集卷廿六

八

十

夜雨急聲住。牕風更覺新。獨憐幽景暮。空抱此
心真。跬步千端禁。經年百死身。每憂深罪裏。無
以荅蒼旻。

聞黃鳥

庭柯鳴歲月。又是一番新。憂世總宜獄。感時空
憶春。早梅乘暮雨。佳木秀溪濱。茅屋空塵跡。徒
懸老此身。

懷友

園中春早到。含淚送心知。何處相思切。歸來獨

坐時。詩書還有分。患難總無期。他仰千年事。哲
人空在茲。

送尹商衡都黃門出獄

尹名為相吏科給事中

數月同幽難。一朝慨別離。送行無喜色。居險有
憂思。好結詩書伴。不為貧賤移。山林吾素志。應
筮丈夫需。

送人出獄

昨暮動相問。今朝柰子何。別懷增慷慨。回首欲
滂沱。一隙蒼天在。百年憂境多。共憐宇宙內。世

道類江河

贈姜義泉一首義泉未病時自謂將終事
出獄作詩以贈之過數日病二十日即死
命也

十年交與後此地復相逢安土心猶在
匡時志已窮君當耕蜀下吾欲死燕中
樂道捐軀處無言跡亦同

贈泰和劉洗心秀才一律洗心兄晴川翁
問予繫獄洗心自泰和奔來問賦此以慰

諫草傳來自可驚倉皇策馬上燕京一腔忠蓋
君臣義萬里風霜兄弟情日邁已能扶世道月
征如不待天明江南鞞鞞看棠棣春雨春花已
滿庭

春日

誰家煙色鎖樓臺隱隱桃花將半開雲際點空
鴻鴈去圍堦掃地谷風來天機消息由人尚物
運盈虛與化推心日洒然塵世外誤看囹圄作

蓬萊

奉和春興四首

纔見春光轉上林。錦臺微冷尚蕭森。風回薊野
有時急。霧隱燕山盡日陰。燕語鶯啼園內景。江
湖廊廟老來心。更餘尚有愁人處。門內柝聲門
外砧。

其二

疎牕照日影初斜。可柰囚居此歲華。傳世從來
無赤手。通天空憶有浮槎。依依遙見城邊樹。儂

儂儀聞塞上笳。詩句謾成還有用。將來幽地賞
春花。

其三

斯文千古是誰功。由彼陶唐立大中。措履敢從
浮世好。幾微深愧古人風。衢連柳過圍墻綠。苑
隔桃侵屋宇紅。潦倒還思涇渭上。絲綸閑釣有

漁翁。

其四

山連薊北見逶迤。小徑通天傍險陂。隱谷長蔓

多細草。懸崖短幹少松枝。習浮鷗子隨波逝。憇樹鷄翁逐影移。老去登臨無健力。白頭空惜此低垂。

奉和初夏韻

日上園墻景寂然。老囚於此尚安眠。好懷還有四時興。世故全無一片牽。糲米煮從沙釜裏。詩書堆在枕衾邊。何翁若解吾真樂。日食寧須破萬錢。

奉和遷榻韻

十載潛身一草茅。興來誰意向芳郊。六經愚腐散塵几。三徑荒涼臥竹梢。垣寂秋深風落果。梁閑春到燕啣窠。衰年至此真無似。儘把疎狂任世嘲。

端午節

園中佳節喜相尋。况有良朋與合簪。蒲酒且同今日樂。角盤因見古人心。憂時未恤身危久。宥罪還思恩詔臨。此日密雲成驟雨。應傷屈子淚沾襟。

夢浦竹塘

去歲茲辰長別我。今宵夢裏再相逢。醒來想像
音容杳。雙淚空流老眼中。姓班青史心猶在身。
墓黃泉事已終。雨洒風吹永難盡。總爲人世恨
無窮。

述懷

禁裏東風覺漸和。背陰殘雪果無多。眼前楚楚
蜉蝣羽。心上悠悠擊壤歌。道義無窮須共勉。時
光有限莫蹉跎。遙將佳趣問良友。鴈過長空興

若何。

遣懷

韋編自伴倚幽窓。世故年來頗會忘。百代人豪
空宇宙。半丘荒草照斜陽。孤懷耿耿幾長夜。蓬
鬢瀟瀟一老狂。曳杖庭階徒想像。路迷無處問
滄浪。

和聯翁看花詩

紛紛眼底今何時。悶到還看此數枝。欲向樽前
發浩歎。飄然未入古人思。雨多雨少顏如故。風

歷代詩選 明楊柳山
去風來根不移。安得此花真解事。常開聽我賦新詩。

端陽節次聯翁韻一首

幽居幾度遇端陽。萬里關河隔故鄉。龍舟扮出湘江恨。艾草還爲人世芳。幾段角團隨俗好。雙尊滌酒帶蒲香。離騷歌罷渾無事。真箇園庭是福堂。

和太白山人韻一首

晴暉薄午暖風細。此地獨憐春更幽。五夜露花

新柳色。一番鴻鴈動江洲。百年事業懸心切。萬里瘡痍滿眼愁。堪哭襟懷渾潦倒。爲飛時羨半空遊。

送李明甫

去年車檻過蘆溝。見爾卜居蘆岸頭。山秀堪宜連屋峙。溪清恰好繞門流。四時家有瓶中粟。一卷心無意外憂。公事不尋遊憩處。幾叢喬木淡雲浮。

奉和紫陽先生韻一首

歷代詩選 陽樓山
歲歲年年一罪人。愁懷未得了吾真。日供糲米
堪餬口。夜展羊裘足掩身。塞上風霜寒將士。天
涯桎梏老孤臣。總然不計生和死。觸目紛紛也
愴神。
去年乙巳年八月十二日 呂直學 觀山 次韻
主上符鸞釋放後復拏至有感

忽憶去年今日秋。犴狴同得荷天休。暫歸故里
除三徑。傳播綸音下九州。明主心無偏好惡。
微臣罪未了。幽囚有時曠蕩恩。還下稽首遙辭

五鳳樓

哭李石壘

傳來凶訃自中州。此地思君欲白頭。風雨幾番
來。夢寐功名半世屬荒丘。五年離別心猶在。一
代英豪事已休。空墮兩行憂國淚。棺前欲洒恨
無由。

題趙白樓寄詩次韻答之

音問來從北海上。故人遙向此相憐。難將璞瑩
投幽地。可把長纓濯下泉。我自福堂安桎梏。若

歷代詩選
於陋巷誦遺編
死生窮達了無事
不負男兒此百年

思故人

憶我西歸過爾家
籬邊秋菊秀黃花
百年酒債從頭了
一日交情未有涯
荷杖待耘秦隴草
回身復泛孟津槎
傷懷更有難堪處
驚出門前問檻車

春

逢君到此已三千日
見園扉掩半邊
照我寒衾

共幽榻隔牕斜日
與晴天千山秦塞
音書杳一點孤懷
空自憐北返鴈聲
留慰切憶他曾過
首陽巔

早春

共把愁眉且放開
喜看春臘再相推
城邊煦景新堤柳
墻外香風帶野梅
世運從今轉熙皞
皇恩不久自天來
故園咫尺佳山在
一日定遊三百迴

病起述懷用杜工部韻

春日悠悠病已痊
獄中應得數殘年
天光遠照來幽隙
良友頻憐到臥邊
無似懶將書帙展
有時還是倦愁眠
感懷骨肉徒分念
百口嗷嗷苦在燕

元旦

歲逢元旦覺春還
桎梏年年在此間
白日應須點殘雪
浮雲但此繞蒼山
顛危喜見風光轉變
纔知世路艱西望
隴堦遙跪拜三千里
路是秦關

謝人賜鷺朱

十年分袂去燕臺
囹圄今同春酒盃
久難應教愁態老
逢君暫得好懷開
宜時化享秋曹譽
淳古風從海岱回
廊廟高朝思舊績
共看琴鶴觀天來

今日夜將曉夢過原
次寮隱居賦詩二句
爲次寮贈卽覺續之

莫道山林無可樂
隻鷄斗酒有餘情
覺來却是圍窓夢
卧聽燕山杜宇鳴

秋日二首

五十年餘人世事此間白髮幾經秋不知淫雨
煙波上誰去乘風泛栢舟

其二

看開宇宙誰人事白晝天涯此日頭鴈過故驚
囚榻夢一聲涼夜送高秋

春日

十載憂時一念深竟成身世此浮沉斜陽滿目
蕭條事寫作長歌次第吟

遣懷

自來幽陷幾風霜憂切空餘兩鬢蒼故借殘軀
非我意恐成一死累君王

偶有感會齋北山文

老夫經歲臥囚窓慨世憂時念益長白日似憐
吾寂寞故從幽隙放餘光

補衣口號次晴川公韻

夜補囚衣晝可穿知君手段自心傳成周誰是
真男子千古大誇山甫賢

謝郭平安惠衣

賜服見君憐我深
范滂官負郭公心從今欲酒
憂時淚珍重不教沾素襟

吾妹憶舊

此身十載臥松雲
千古真傳愧未聞
中夜思量年少事
雪山曾讀北山文

非非黍離

眼底興衰忽變遷
每將心事問蒼天
農夫不解行人意
知說離離是有年

和題扇上漁翁圖

滿江秋月照槎明
水國雲鄉老此生
常慮中宵風雨變
孤舟時向岸頭橫

孤美 送人出獄

相逢相別兩經春
分袂情懷見子真
此後金吾門外過
念予還是繫中人

送孫寺丞

不信榮華有是非
幽縲終日掩園扉
世間滿眼愁人事
忽見孫郎能早歸

夜夢一人頭戴紗帽無展翅謂諸葛孔明也予揖而就之語子曰塵世富貴何足道哉唯唯既覺漏四鼓矣以詩紀其事丁未年六月十四日二首

隆中運策三分定渭上屯田一念深星殞營中旋義旆祇成當日受遺心

漢賊從來難兩立蜀川偏據未為安只教千有餘年後五丈原頭秋夜寒

四集卷二十六終

石倉十二代詩選

四集卷二十七

西橋集

大明

長樂林 恕著

後學曹學佺閱

滇南春暮寫懷

臺署春已歸風雨連朝夕庭幽花影沈砌冷苔痕濕愁人思轉深啼鳥聲偏寂悵望倚危欄簾捲湖山碧

題珠海月明卷寄贈沈夢山寅丈

瀛海一登樓月色如相待玉鏡瑩玻璃水壺破

蒼鬢楚江有佳人明珠同光彩五馬入雷陽風
流播千載桃李滿棠陰鯨鯢靜粵海愧我獨疎
慵多君共察察文章仰斗山德業薰蘭茝浮生
悟息機至理輕葅醢笑指黃鶴歸擬把青山買
渚鷗伴醉眠崑芝和雲採高騫不可攀別思愁
難解對月想清輝憑欄佇丰采邂逅聽歸鴻夢
澤春長在岺巒湖上峰縹緲雲五采中有安期
僊童顏常不改白髮映滄浪遐齡等嵩岱我欲
往從之脩途阻關塞聊此寄相思狂歌聲款乃

赴廉州合浦珠池口號

日午發雷陽更深抵城月谿雲斷復連野鳥啼
還歇翹首望北辰孤蹤寄南粵簿書倦精神奔
走疲筋骨兒女甫凋零肝腸痛顛越呻吟未及
瘳憲簡重徵發皇皇赴珠池采采輸金闕星夜
疾驅馳晨曛候衆謁泉聲瀉石厓人影紛林樾
王事義匪躬時光倏飄忽赤管換青袍紅顏變
白髮何當賦歸與秋風飽薇蕨

小築靜怡軒

小築依林樾幽棲遠俗塵神遊穹壤內興入水
 雲濱鳥語因風碎苔痕帶雨新謾嫌容膝地瀟
 灑任吾真
 過尚書嶺
 石磴侵晨度煙蘿染客衣猿聲和月墜馬足躡
 雲飛露葉垂朱實霜鐘隱翠微故園秋正好筠
 菊滿柴扉

過蔡端明學士墓

此地昔生賢端明迥偉然江山空故宅丘隴亦

荒阡勲業三朝重文章百代傳尚餘憂國恨寂
 寞寄啼鶻
 過梁文靖公墓

丞相佳城在楓林古道傷斷碑牛礪角荒寢燕
 巢梁草色連秋雨蟬聲帶夕陽勲名畱汗簡穹
 壤共悠長
 舟次白沙驛

長安何處所孤棹發闕關白擁沙邊驛青迴江
 上山風濤添別淚村醞破愁顏羨爾溪中鳥聞

歷代詩選 明木道 三
雲共往還

舟次黃田驛

木落風生壑鳥啼
霜滿關客途
紅葉下親舍
白雲灣蓬鬢驚非舊
萍蹤愧未閒
何當謝朱紱
歸岫舞斑斕
富春山懷古
惆悵桐江渚
高人安在哉
星懸霄漢表
臺倚水雲開
落日停孤棹
臨風酌一杯
英魂良未泯
長逐海鷗迴

端午寓陳南軒宅

蒲酒浮江綠
榴花照眼穠
賜脯陳五鳳
飛棹鬪雙龍
對雨添愁細
瞻雲入恨濃
那堪歌舞地
偏在客中逢
張錦衣西庄
十里西郊地
幽涵萬象春
鶯花聲裏度
草色雨中
中新麥熟雲垂隴
池清鏡拂塵
平生多野趣
何日謝朝紳

徑曲縈郊路亭幽隔市闌松濤聲遶屋花雨冷
沾巾立馬金鞍簇行厨野菽陳興來忘物慮傾
倒對芳辰

十里又

勝日朋簪集芝蘭臭味薰花殘山雨霽茗煮石
泉芬樵唱穿雲度村春隔竹聞杖藜隨野老談
笑話耕芸

又

泉石饒佳趣煙霞洗俗氛捫蘿猿引子飲澗鹿

呼羣樹色凌蒼漢鐘聲過暮雲東隣行信步履
齒印苔紋

同蔣蒙庵朱豹厓登合浦海角寺

共是天涯客相携海角行山連銅柱界水滙越
裳城日落潮聲起秋高蜃氣清故鄉回首望歸
雁斷南征

廉州白石驛

南粵秋將暮孤亭日已西野航招客渡山鳥向
人啼露冷征衫濕雲深去路迷停橈何處所白

石映清溪

廉州海川公館

海濶孤帆迥川迴萬國通殘霞明浦澈疎竹映
花叢野燒空寒戍村春趁曉風採珠連歲役悽
惻念民窮

共是題廉守胡鹿厓曲水流觴

一徑藏仙塢孤亭近女牆窗虛明曉鏡水曲汎
霞觴捲幔風生塵橫琴月到牀條然遺世慮魚
鳥亦相忘

題胡鹿厓環翠亭

誰將蓬島境移入水雲鄉魚戲驚棋局鷗眠狎
釣航浮杯山月小煮茗竹泉香無限登臨興笙
歌醉夕陽

清明日寓德慶州寫懷

越徼逢佳節郵亭望轉賒天長遲去雁林暝噪
歸鴉芳草迷征路飛花落釣槎松楸應未掃涕
泗在天涯

遊廣州海珠寺

窈窕臨鮫室清暉得此各地浮三島界波動五
羊城蚌月乘潮吐霜鐘入夜鳴驪珠驚睡醒疑
是海珠明

過臨川城西寺

駐馬城西寺偏驚物候幽斷雲依古堞飛鳥掠
歸舟鶴瘦同僧倦魚閒伴客遊東廂行待月山
磬一聲秋

廣信公署

時除夜雨雪
薪廩不繼

雨雪連除夜年華獨愴神情親惟主僕迹滯

風塵臘向鐘聲盡春隨曙色新鄉關何處所回
首水雲頻

上元日寓辰溪驛

萬里逢燈夕孤舟近百蠻春隨臺使至月傍水
雲閒對劔心猶壯憂時鬢已爽故園何處所遙
望夢中還

遊螺山寺

貝闕臨丹壑珠林擁翠螺雲歸石髮冷松古鶴
巢多色相空人境杳恩挂女蘿凭欄憑縱日燼

月滿江波

遊五華寺

金壁開圖畫清芬萃五華樓臺擎日月棟宇接
雲霞樹影搖雙塔鐘聲散萬家夕陽猶共賞呼
酒泛松花

萬里安慶州春暮登樓

海國春將暮江城雨乍收亭幽寒翠滴野曠樹
煙浮巢燕從人語啼鳩喚客愁故園天萬里搔
首欲登樓

滇陽具疏乞休

廿載風塵跡于今甘息機力隨雙鬢改道與寸
心違松菊餘荒徑滄浪有舊磯欲尋魚鳥伴垂
製芰荷衣

仙人峰

鷺峰攢翠鎖煙蘿絳節曾聞向此過雲躋尚留
崑畔跡洞簫猶憶月中歌松翻翠蓋蟠虬壑水
滿銀塘隱鷺窩我欲騎鯨東海去一竿長對白
鷗波

崇信寺

巢雲方丈鎖潺湲流水柴門鎮日關萬壑嵐煙
秋雨後一庭松色夕陽間香焚石鼎僧初定簾
捲崑扉鶴正還百尺高樓天外景倚闌邀月更

看山

芝山

石田雲暖紫芝榮踏閣穿林杖屨輕花雨帶霞
崑溱落簾橋垂月澗中橫秋聲拂樹生寒籟夕
照浮空襯晚晴欲訪仙蹤何處覓試呼啼鳥問

山靈

天開小洞隱蓬瀛洞口秋深薜荔縈短策緩隨
麋鹿步狂歌驚起鷓鴣鳴捫蘿採藥穿雲度煮
茗分泉待月明歸興却隨牛背笛數聲迢遞繞
江城

三寶崑 舊名三島永樂中太監鄭和改

今名宋朱晦翁與二劉先生曾讀書于

此

窈窕幽崑跨海浮高風百代仰朱劉松蘿翠鎖
雙溪月水竹涼生一徑秋過化賸傳鄒魯俗真
源直接建溪流山川物色原無價蓬島空聞有
十洲

南山浮翠鬱嵯峨路入層林徑轉頗孤鶩帶霞
回海嶠閒雲觸石起崑阿餐英醉摘籬間菊值
杖行看隴上禾官稅早輸雞犬靜不聞門外吏
催科

拱御臺對菊

壘石新成拱御臺臺前偏喜菊初開煙晴色映
書雲華露冷香浮醉月杯山氣夕佳飛鳥淨秋
穀時逐晚鴻來百年豪興今猶健不啻霜華兩
鬢催

晚芳寒翠亭

綠陰庭畔翠成堆幾度呼童掃碧苔徙榻坐忘
啼鳥靜巡簷索笑早梅開雲移竹影侵書幌風
送花香入酒杯謾向乾坤嫌地窄誰知方丈是

蓬萊

霞嶼草亭

自笑平生野趣多
結廬聊對白鷗波
淵明斗酒花三徑
范蠡扁舟雨一蓑
石澗泉聲穿砌落
窗前雁影帶雲過
晴霄洗耳橋邊月
嘯豕滄浪濯足歌

避寇梅城

山雲悄悄雨霏霏
獨倚危樓半掩扉
王粲愁來頻作賦
杜陵老去更思歸
孤城寇至潮偏急
五

月江寒暑尚微
只尺鄉園音信杳
林鴉啼罷淚霑衣

寇退感懷

生涯牢落歎離居
獨倚橋西一草廬
千里烽煙連海嶠
百年門巷盡丘墟
新畚稅在官輪急
濁酒杯空故舊疎
山鳥不知憔悴意
隔窗猶復叫醅酬

半野寺

半野亭前一繫舟
輕移短策上瀛洲
參差石磴

苔花冷牢落僧房貝葉秋馬水月明潮正滿龍
龕雲散雨初收翛然不盡登臨興何用乘槎泛
斗牛

鼓山書院

石鼓崔嵬倚碧霄山青雲白水迢迢杖藜散步
清溪月歛枕遙聽靜夜潮一榻曉鐘來野寺數
聲羌笛起漁樵自從滇海歸來日五斗應無更
折腰

平遠臺

原是蓬萊頂上峰六鼇移向粵城東天連螺渚
風濤壯月照龍江島嶼空萬國舟航通禹貢九
仙樓閣倚空同憑闌縱目孤鴻外遙見扶桑海
日紅

烏石山

玉宇瓊樓夜不扃天風吹度紫雲屏春迴草映
巖扉翠煙暖苔滋石髮青訪古却摩封蘚篆探
竒斜倚落霞亭歸途散步江城月啼鳥從人笑
獨醒

省下會莆陽避寇諸年兄
時莆城已陷

自從閩海動風塵其向三山寄此身
桂苑昔爲同榜客桃源今作避秦人
畫蛇愧我多添足談虎憐君獨愴神
世難相逢俱白首不勝悲喜淚霑巾

古田極樂寺

書閒散帙出尋芳徑轉藤蘿到上方
花落草堂朝雨霽鶴歸松塢晚雲涼
春衣半染嵐煙濕僧飯新炊笋蕨香
此地從來稱極樂不妨呼酒醉

斜陽

摺紙灘

溪廻百折倒層湍舟子驚呼摺紙灘
削鐵屐懸天骨峭排空浪湧雪山寒
杜陵瞻落瞿塘險李白歌愁蜀道難
聞說長安車馬地恩波曾見起狂瀾

延平化劍閣

劍去潭空幾度秋獨餘高閣枕滄洲
嵐煙漠漠雙溪水身世飄飄一葉舟
靈物已從霄漢化精

歷代詩選 明林通 卷三 二百十四
光仍向斗牛浮丁寧細把吳鉤看海內風塵尚
未收

遊邵武七臺山

秋風振策破蒼苔載酒遙登積翠臺兩袖煙霞
紅葉徑數聲雞犬白雲隈樵川月出啼猿靜華
頂仙歸跨鶴迴怪底夜窗寒沁骨半簾飛瀑雪
花開

宿大安驛

危樓鼓角警晨曛楚越關河向此分萬壑嵐煙

隨雨霽千林樹色醉霜曛溪流南北同趨海山
入庄廬半露雲聞道長安花信早馬蹄遙指杏
園春

過釣臺

維舟獨上客星亭雲樹蒼蒼水月明龍榻只知
忘故舊羊裘寧肯換公卿煙霞不改幽人迹霄
漢長懸處士名一縷千鈞扶漢鼎勲名誰似魯
書生

錢唐懷古

武林舊事賸豪華宋輦移來作帝家湖上曉鐘
千寺月苑中霞綺萬株花牙檣錦纜朱簾捲舞
榭歌樓碧樹遮王氣銷沈今已矣六橋煙柳噪
寒鴉

塘西夜泊

塘西春水綠于苔天目山高列嶂開布穀聲中
嵐翠滴柔柔徑裏女紅來浮橋玉竦蒼虬靜樹
擁青林白鳥迴回首姑蘇歌舞地蕪煙野草翳
荒臺

姑蘇城外夜泊

月滿江城夜未央片帆遙宿水雲鄉閭門已醉
蘭陵酒吳苑空聞響屐廊碧柳堂陰鳴翡翠綠
蕪波暖睡鴛鴦管絃何處聲如縷惹動孤舟欲
斷腸

蔣廟

卽晉周顒隱處

千古遺蹤隱翠微春風駐馬款柴扉松濤一院
涼生塵花雨半簾香撲衣幡影靜隨湖月轉爐
煙輕嫋水雲飛當年猿鶴今何在惆悵今人去

不歸

夜泊楊州

廣陵城外水雲幽萬里歸程一葉舟
山勢北來衝海斷潮聲東去入河流
瓊花觀裏春光暮隋帝隄邊野色秋
休聽秦淮南女曲豈知亡國是迷樓

歌風臺

馬上功成畫錦迴酒酣歌舞獨登臺
猜疑自速功臣叛感慨徒思猛士才
草昧英雄亭長起風

雲遙護帝王來而今淪沒秋江滸
燈雨年年長碧苔

絃歌臺

當年茂宰屬高賢風韻于今已杳然
無復管絃鳴夜月空餘禾黍淡秋煙
人心百代仍如昔禮樂三千久失傳
寄語東藩諸守令淳風何日更周旋

釣魚臺

湖畔臺臨萬頃波宸遊曾此駐龍舸
鷁行雲擁

歷代詩選 明林道遠
迎仙仗鳳吹風和暹棹歌天上絲綸垂玉軸海
中蓬島湧金鼇明時不爲漁政樂千古休風繼
卷阿

三宮人塚
一種荒丘枕北邙九原何處覓紅粧春風寢燕
曾承寵暮雨啼鶻幾斷腸竹淚瀟湘憐帝女草
青胡塚憶王嬙香魂不逐金釧散化作雲飛遶
建章

宿蓮塘驛

粵江南去入雷陽萬里分符驛路長海國雁遲
秋已老池荷花盡水猶香蟲聲斷續風生枕桂
影橫斜月滿廊羈思不堪村外笛鷺鷗相對水
雲鄉

伏波廟

漢室雲臺野草深專祠猶系粵江濤乾坤未墜
英雄迹伏臘長懸故老心銅柱嶺分邊塞杳朱
厓氛淨海波沈暮雲擁樹潮聲起恍怫英魂月
夜臨

天寧寺懷坡堂

甕城西畔古招提東望朱厓路轉迷鏡斷朝雲
花寂寞窗含夜月雀驚棲金蓮燭盡恩光冷玉
笋班移貝錦萋堪歎文章憎命達空餘高燄吐
虹霓

蘇子由先生祠堂

二難天遣重南離同向雷陽借一枝荆楚尚傳
王粲宅草堂猶憶杜陵詩雲屏露冷松花落塵
榻風輕竹影移千古餘輝留郡乘年年春雨薦

江籬

湖光巖

久抱煙霞興未償省方纔入水雲鄉光搖星斗
龍吟曙翠滴潺湲鶴夢涼斷碣字訛牛礪角荒
庭花發樹生香倏然醒却乾坤眼駐馬投戈對
夕陽

厓門懷古

板蕩從來事可悲片帆流落到天涯日沈滄海
星同隕雲擾中原鹿已馳夜靜潮聲喧戰騎江

歷代詩選 明林道遠 四集卷廿七 六
空林影閃旌旗多情最是沙頭鳥猶似鷓行簇
羽儀

宿遂溪新寮堡

新寮戍堡屹雲端休向時平歎路難霜入江楓
紅醉眼露垂谿竹冷侵冠鳴蛩遶砌驚殘夢瘦
馬衝泥怯曉寒自歎雙旌萍水客何時藤徑卧
袁安

宿唐浪村

黃精醲熟豈初花籬落蕭疎遠市譁地僻虞羅

依岼曲天寒漁火傍江叉燕尋舊壘穿重幙竹
引新篁過別家對景條然幽興發可茸萍梗負
年華

烏蠻灘伏波廟

烏蠻水廟鎖煙蘿畫棟朱欄映碧波破虜名垂
天地久麗牲碑斷歲時多江搖樹影牙旂閃風
送灘聲缺騎過回首雲臺何處所乾坤無復漢
山河

德慶州三洲巖

歷代詩選
卷之七
二百三十一
幽巖窈窕枕滄洲倒影浮江翠欲流香逗碧蘿
春麝過光騰華渚晚虹收雲芽石髓千林雪草
閣松濤五月秋啼鳥却知遊客意隔花相喚似
相畱
上橋寺
橋橫野寺汝城東水色山光映碧空梵界不殊
甍率境鐘聲長遶渚雲宮僧閒坐據松根石亭
午涼生竹徑風酒醉那嫌歸騎晚洞簫吹月跨
垂虹

擬峴臺

擬峴臺臨汝水東危欄百尺倚晴空飛帆影度
嵐煙外短笛聲橫夕照中煮茗爐分丹竈火看
山簾拂翠微風登臨正是春光暮幾樹啼鶉怨
落紅

宿宣風公館

疎簾草色映苔痕酒盡沽來莫厭渾細雨淡煙
沙外驛落花啼鳥水邊村做裝春暮寒仍峭瘦
馬途長日易昏蝴蝶不知身是客翩翻猶戀夢

中魂

舟次鉛山憶家

只尺鄉關未得歸客心遙逐楚雲飛當年躍馬
嘶秋草此日征帆對夕暉松菊久荒彭澤徑斑
斕誰舞老萊衣不堪吟罷頻回首煙樹重重鎖
翠微

懷玉驛對雪口號

漠漠江雲鎖翠微朔風吹雪點征衣孤舟繫柳
初迴釣獨鳥投林已倦飛山色乍看簷外白煙

光隨覺樹中稀一聲何處梅花笛醉倚危樓半
掩扉

長沙謁賈太傅祠

憂國孤忠涕泗頻不知君側更無人已逢宣室
求賢主竟作湘潭見逐臣落日渚宮停客棹秋
風俎豆薦江蘋而今世事何須問豈止當年厝
火薪

過偏橋驛

并剏戍壁鎖重環疊嶂凌空聳翠鬟萬里風塵

連越雋九谿煙火接荆蠻星橋日落笳聲急雲
邏春深草色閒聞道龍標圍未改何人橫劔倚
天山

過盤江河

盤江江水綠沄沄兩岬啼猿帶夕曛驛騎影聯
魚貫度戍笳聲急雁行分蛟潭夜映千林月鳥
道朝連萬壑雲漫說牂牁豺虎穴清時應喜淨
塵氛

同藩臬諸公赴黑龍潭禱雨

靈湫幾曲隱禪林樹色波光映碧岑氣吐晴雲
鐘外度珠涵曉月鏡中沈虹霓久繫蒼生望風
雨時聞白晝吟願借天瓢分一勺九霄散作萬
家霖

張東川憲僉邀遊楚雄雲泉寺

禪林方丈鎖蓬萊洱水春深瘴癘開竹裏煙光
浮几席花間泉響落尊壘風傳鶯語穿窗入雲
護龍吟帶雨迴一笑凭欄人境淨半庭藤月映
莓苔

題狎鷗亭

小結雲巢傍釣磯一竿煙月自忘機沙鷗也解
知人意來往相隨不肯飛
寇退回家困于疾風猛雨賦此
萬戶燒殘斷野煙頽垣落月怨啼鷓茅茨暫作
鷓鷯計猶被狂飈捲上天

石倉十二代詩選

四集卷二十八

丹泉集

大明

錢塘楊祐著
後學曹學佺閱

雨餘郡齋夕望

建德謝煩囂退公媚幽獨迴塘激流波殊亭倚
脩竹鶴雲響遠音春艸啣鳴鹿塵心淨自洗奇
文時聞讀青山逾急雨涼颿淨炎燠敷蓮濯舊
紅穠蕉展新綠景會意更閒濁酒村初熟陶然
坐絃琴民熙萬物育

其二

蝗旱逝凶遘溲然時雨零既蠲國租慮復阜斯
民生席藁徹露御琴瑟臨風庭神志悅逍遙冲
虛澹無營焚香清晝長幽蟬高樹鳴湖平春草
短江暝遙峯青所嗟寡德基荷重恐不勝卑服
功康田無逸誠可經

江望

輜車迎日使弭棹薄江皋維時季冬候朔風捲
飛濤南樓一騁望千里何滔滔篠簜雨響寒沙鴉

雲散空濠虛劣添民牧撫景情內勞豈無單父
琴殊俗難爲操

迎春彈琴

淑德播春陽星祥啓農節臚臚陰原滋活活水
泉冽田家戒刻耜種稔及良月土牛麗蒼輿縹
勝彩竿揭喧訐躋公堂導我青郊轍青郊何隴
隴萬畝萑葦纈民命盛在茲三時力當竭秉耒
躬先勞順天人自說豐年諒可徵庶讓冀無缺

對月贈客

秋霽物華歛夕曛山氣佳清風動廣陌白露滴
 空階蕭蕭兼葭響淒淒蟋蟀懷芳樽湛美酒良
 友會高齋輕雲散玄漠皓月吐陰厓賞心亮此
 共末俗何當諧

泉風楊林渡

停舟倚江郊騁望散春日天垂樹若懸雲幕峯
 如複霏霏輕霧飛萋萋芳草綠沙邊浴鳥雙鴻
 外征帆獨豈不懷君子白日去苦速逝將脫嬰
 網卜築南山曲

江樓餞別熊叔仁

杪春涉江津江永行易夕言登江上樓欣逢遠
 遊客殘霞明野與浮烟侵暝色忽忽杯酒間感
 之長太息

其二

太息夫如何世路浩風波朱門重細腰楚客空
 陽阿豈不慕絺綌羞彼綺與羅黃鵠千里馳燕
 雀豈足多

城陰日欲夕雲散孤峯碧
流螢漸夜光歸鳥無遺跡
冥思結幽窈感念攢今昔
天地有盈虛海水知潮汐
人生貴達榮豈為浮名戚
褰開對池竹濡翰遲來客
盃中幸不空逍遙順所適

嚴氏山居

大澗飲巖黃虎山扼其會
蒼翠鬱盤桓疑是七豎瀨
中有數光居江山遍襟帶
立德不在小卑室不在大而
我造其幽高臥松濤外
白月墮我床玄雲翳我蓋
浩歌七澤動長嘯百川沛
別來

倏明晦緬思成夢寐寄謝
山中人安居足年歲

秋興

浮雲盖日月嚴霜敗叢蘭
春女多悲思秋士恒哀歎
處世豈不易功名良獨難
孔明未興漢張良徒為韓
蕭朱自結綬貢禹虛彈冠
三五日以遠古道何漫漫
長劔倚寒空萬里遙相看

送饒子中赴德安

吾思郢中客遙羨郢中行
駐馬陽春曲非君孰此聲
地傾雲夢澤天險德安城
去矣宣恩德無

歷代詩選
要善獄名

酬德卿病起見寄

簿領日沉迷倏忽歲華晏寒雨灑平蕪冷風薄
飛觀淒淒冥霧交黯黯同雲漫之子何苦吟幽
牕時憤惋琅琅玉石鳴炳炳丹青煥有懷屈原
放頗悼賈生竄雖同休文病不嗜長卿慢南山
斫白石長夜終當旦願言無碎穀努力加餐飯
送沈懋學入京兼贈楊子後

帝座臨星盞皇墉枕塞垣地雄龍作衛天險雁

爲門豐鎬謀猷遠唐虞法象尊海峯雲外度露
掌日中翻羨爾蜚丹轂觀光欵玉閣懸知鳳池
上獻賦獨承恩

其二

李杜游齊日機雲入洛年有懷俱未達相顧各
茫然翠嶽華年暮綢繆別緒牽神馳薊門遠心
折泰山前雨雪迷丹路村垆變綠烟夜深龍劍
氣一一動星躔

故山贈蔣侍御

歷代詩選

四集卷二十八

五

四

征旅肅清穆娛衍及良朝秣馬故山陽攬轡周
道遙四山如合圍百里鬱岩堯仰止意彌高凌
雲思獨飄寒淺花自發霜輕葉互凋烟峯斷疑
字溪石亂成橋仙悟理難詮覽勝神自超擬畢
婚嫁願與子永遊遨

九日同蔣侍御登泰山

茲山何峻壑盤礴亘百里鳥道五丁開雲標三
觀起雪礪無冬春烟嵐互蒼紫星垂厓戶外人
度青天裏陽枝晞日華陰谷飛霞綺仙靈此窟

宅幽異誰能紀

其二

振衣躋雲峯倚杖眺明堂葱葱鬱鬱佳氣歷歷殊
井疆周王昔時巡觀民覲東方皇皇四海一肅
肅羣后踰升堂奠蒼璧端已居青陽釐事曠千
載愾然情內傷

其三

秋氣已堪悲登山轉寥泐對酒睠將歸感時傷
暮節霜淒哀雁翔潦盡群龍穴秦碑苔蘚滋漢

歷代詩選 明楊汝舟
翠神光滅千巖灑寒風萬壑飛晴雪寶劍拂扶
桑長嘯高雲裂

東平陸趨開河

朱明厲炎節大火曦朝陽時雨來何遲二麥萎
以黃驅車驚東原攬轡增慨慷泰山高巍巍汝
水流湯湯永言歌考槃十畝何徜徉

春日同諸文學宴松岡歌

廣文先生雅山水城郭貞觀林壑美退公拉我
松岡遊十日三醉松風裏虛寥萬籟傳笙簧憂

玉樅金闕滿耳恍疑身坐蓬萊宮琅玕瓊奇將
無同况是百川新雨霽澄霄蜿蜒搖長虹左右
揮霍衡嶽小眼中失却三台峯橫泊洲截深湖
中危崖浮石何玲瓏楊葉波翻燕雀苦桃花錦
浪鳴魚龍廣文廣文且停卮酒聽我陳文武之
道未墜森在人一張一弛時經綸安能鬱鬱愁
陽春不見胡侯廟前石莓苔剝落空嶙峋

對酒行

木蘭爲楫沙棠舟蕭蕭鼓角鳴中流冰盤玉筋

歷代詩選 少穆汝承 七
錯華羞金樽灑灑朱霞浮楚兒唱歌嬌且柔清
商一曲天爲秋鼃鼃吹浪魚龍遊主人宴客夜
未休談碁雜博鳴雙鬪忽忽歡娛生百憂起看
殘月掛江樓拔劍出舞蛟螭愁噫嗟歛世無張
華死卽休鉛刀一割非吾儔

周子賢按察惠太玄經

獨臥山中郡離羣捐所聞故人殊好我千里惠
玄文吾家小子類童烏已拚抱易廬成都君王
倘慕相如賦載酒看花從爾徒

留帶楊祠部夢羽奉詔尋方士還病免歸五川
吾宗罷草玄奉使類張騫牛斗仙槎犯河潢地
脉傳懶從金馬召欲借茂陵眠漢主思封禪書
成豈偶然

羈旅

入冬無片雪歲事已堪憂復此東南役其如羈
旅愁中原無匹馬野渡有維舟奮激青霄志憑
軒淚暗流

答陳李二侍御

吏隱滄洲遠江楓伴索居秋風一雁過忽枉友
 朋書獻納看君輩聲名動直廬東南民力竭奏
 記意何如
 寄武陵諸子
 一麾淹祿仕三歲斷音書風日憐諸子江山隔
 所居雪將冬色盡春入柳條疎千里嵇康駕相
 看愧不如

立秋日贈劉六景仁

留滯滄江客從遊藉爾曹輕雲動秋色片葉下

亭皋散幘同幽興看山醉濁醪迷津夕流急天

際隱漁舸

鸚鵡洲

鸚鵡洲何在洪波鬱森漫寧爲越客調不共楚
 人冠觀閣青冥迥烟雲白晝寒翩翩瞻過雁獨
 立暮江干

初春遊通真觀次抑之韻

玉律年華動珠宮淑氣開東風昨夜雨花發滯
 仙臺載酒追同好談玄得異才因悲腎世網未

剪比山萊

其二

卸陌排重霧巾車飭遠岑柳摧春色早詩送酒
杯深憐子風雲思慙予翰墨林何能嵩洛上采
掇共幽襟

除夜

雪送吳門臘雲偷楚水春却憐將盡夜仍有未
歸人江漢日多事乾坤誰委身更聞西北議萬
里一沾巾

春日郊行

春花夾路迷春鳥向人啼過雨宜芳草重山出
遠溪省方觀俗化饁畝對蒸黎節士封疆志臨
風厭鼓鼙

出郊勸農

南國鱗魚上東菑春事饒村村鳴社鼓戶戶插
田苗雨露知天力生成荷聖朝循行黃綬吏踪
跡遍漁樵

同馬侍御葉明府周劉二進士宴龍山熊

歷代詩選 明楊汝承
節判莊卽席限體并韻

勝日龍山宴雕尊鳳野開竹深鳩坐語花雨鹿
啣來笑我山公醉憐君李白才薰風廻策馬織
月更登臺
寄邵二仲才

吾憐邵玉泉四海各風烟清夜遙相望明河炯
炯懸年華上脩竹秋意動鳴蟬試問淮南曲如
何濟下篇
湖夜

湖夜熒熒白蘋風嫋嫋秋斷霞斜照雨冥霧濕
依樓萬國仍多難浮生祇百憂滄江有漁笛何
事獨悠悠

夢張雲

金玉懷張子松楸近若何懸知生死淚不與別
離多墓石吾終記祠門誰復過夢中疑對爾朗
月下江波

臥病喜蔡元初至

疾病愁予殆軒車重子來流雲朝下榻急雨暮

屋不許還
傳杯重聽懸河論深憐絕代才黃金求正切春
日好登臺

夏日齋居

三伏頗稀事退公長閉門槐陰上榻几花色映
琴樽露簟情逾濕風書閒自翻江湖雖萬里猶
足避囂煩

靈巖寺

千巖飛法雨萬壑度空雲塔影燈初見鐘聲濕
不聞茶烟清客夢詩景對僧分甘露泉如鑑吾

將照世氛

同馬臨清宴李青州館

夜色靜闌暑涼風飄白雲寒帷逢駐節下榻坐
論支茗椀浮寒碧爐烟散夕薰醉歸清泗上水
月細紛紛

平陰別張教諭

縣僻山爲郭堂高石作防暑闌桐葉脆秋近蓼
花香鄉井推先達風騷足擅場相逢遽論別把
袂泣河梁

陽山寺

覺路綠溪上
慈宮倚嶂開
僧閒鸚對語
海近鶴飛來
身世悲行役
歡娛寄酒盃
夕陽山色好
乘興獨登臺

吳光祿別業

村居絕四鄰
蓬華任吾真
竹暗疑無暑
花開自報春
耕雲携稚子
釣雪狎漁人
何事長安道
喧喧車馬塵

答夏雲翁

避世孤雲老
詩篇晚更新
每于鄉國舊
偏憶放流人
官職只常調
妻孥仍苦貧
不如秦李齋
天畔獨逢春

滹沱河

蒼海日將出
滹沱月尚流
橋明初辨馬
春半忽聞鳩
霧氣蒸爲雨
霞光聚若樓
皇皇驅四牡
翻愧棄繻遊

柳之宅讌集

海內朋簪盍
天涯樂事饒
酒杯消盡燭
歌曲上

歷代詩選
青霄夜迥星虛寂花明月動掙冰霜期共勵不
負 聖明朝

泛湖送得之歸平石

春艸楚江頭金尊送客愁晴峯數點雪野水一
孤舟檣影清流動風光雜竒浮間關天外鳥何
事獨相求

靈巖寺

寶地陰陽會珠宮日月玄峯巒交列牖樓閣近
諸天石笋離離出巖花朵朵懸麗梁遙跨漢龍
竇細鳴泉杖錫僧何在袈裟鐵未穿碑猶留魏
刻栢自表唐年怖法金猊吼聽經玉象眠天雞
號夜月雨鶴下秋烟椒實殊方供松枯老衲禪
蹇予驅白馬隨意種青蓮

宿黃鶴樓有懷

躡景追黃鶴馮虛臥白雲嵐光連壑動菱唱隔
江聞漁父翻星彩鼉沉隱月文濤迴天欲捲城
斷竒疑分洪水思堯墊崇山識禹勳滄浪窺二
別楚史辨三墳鸚鵡聲徹遠芝蘭日夜焚誰憐

上林雁噉噉更離羣

嚴城鼓角秋欲曙颯颯天風吹雨晴旅雁違寒
故相向饑鵲踏枝翻自驚多病每憐妨學道浮
生何事獵虛名逍遙獨愛東方朔笑指蟠桃海
日生

閔士

白露爲霜秋草黃雞鳴按劍事戎行喧喧鼙鼓
雷震動黯黯旌旗日月光江漢無波千里靜山

河有道萬年長忝予謬竊專城重馬革毋忘在
朔方

山城積雨春無事江閣停雲晚自怡芳草不知
隨處合賓鴻何意獨歸遲壯遊東閣題詩處恩
幸南宮錫燕時風景不殊京闕異江湖深繫廟
堂思

東抑之

融融白雪芳歲暮郡閣晝掩幽意長梅花刺眼

歷代詩選 明穆宗
明滿畚野鶴羣飛歆一行深山無事祇高臥乘
興清風仍短航居停只尺南臺客簿領日來何
苦忙

辛酉五日
五月五日日亭午虛簷浙浙鳴飛雨天涯逋客
困龍蛇江上拏舟自簫鼓歡樂幾何哀戚多會
稽孝女悲風波楚兒慎莫輕生死春草年年怨
汨羅

宴熊節判龍山別業

主人好事開松逕客子題詩坐竹林五月雪霜
霾絕壑炎霄樓閣下重陰向人鷹隼晴雙擊破
浪魚龍時一吟已判共成河朔飲相看况有歲
寒心

其二

紅日欲沒蟠龍西野鷗山鼉深竹啼遠水明霞
仍暮景隱峯斜月自清溪漫尋芳杜追驄馬忽
論神仙憶碧雞悵望三山何處是斷雲芳畚晚
萋萋

秋夜

露集庭虛蜻蛚鳴涼更漢永月華明知時木葉
翩翩下無意江雲冉冉生道大塵寰寧受縛官
閒郡閣有高名銀山鐵壁堪回首翠竹蒼松非
世情其二

寒山九日登泰山

殊方此日逢重九絕嶽高吟散遠愁漢時秦封
空往事紫萸黃菊自深秋天清樓閣明三觀野
曠山河辨九州獨是懷親憂國意白雲滄海共

悠悠

東牛寺

后溪朗日前溪雨密雲在山虹掛竒老僧肅謁
出鳴鐘稚婦闕觀起投杼此身行止難自謀昨
宿泉上今東牛不爾鳴騶雙闕貴便須乘桴四
海遊

泰山

泰山屹嶸與天通七十二峯元氣中下施雲雨
澤后土上貫星宿搃紫宮懸厓古栢落空翠架

歷代詩選 明揚沙舟
整危忒遠度虹我來憑高俯滄海夜半觀日扶
桑東
紅船集
三百五

瓠子河西烟霧屯紅船集口正黃昏飄風急雨
千門動駭石驚沙萬馬奔旅息一枝難獨穩凋
殘百姓喜猶存高天旭日應晨霽欲喚村翁與
細論

穀亭

穀亭南接水溟溟芒碭雲開五色屏圯下不傳

黃石履留城空鎖赤松亭天邊奇隱洲如月沙
上燈明棹若星此夕宦遊聊騁望歸心遙共楚

山青
妹啣答抑之再用前韻

扁舟憶泛富池秋萬里江湖共此憂豈意獨瞻
天北盍翻然同刺海西州疊山猶自傳遺藻五
嶽何當遂遠遊俯仰古今俱一慨數奇李廣未

封侯

野人

歷代詩選

明揚沙舟 四集卷三

七

六

丹泉野人木石姿服官髣髮雪成絲行年三十
 若不達悶世喧卑翻自疑磽田猶足飯黃犢空
 谷能忘歌紫芝攬衣板劍出門去浮雲四顧茫
 何之

潤之宅錢集

秋卿列錢桂堂清翠管雕翬映繡楹蕙藉詎須
 金作埒蘭調何謝玉為羹舞罷鸞影迴雙袖歌
 轉鶯聲雜五笙所愧三年無異績薦賢端欲報
 承明

絕句

白石江邊路青山郭外亭暝雲低度雁秋雨暗
 流螢東田吳

寄趙子後

烟花三月雨冥冥聞爾揚舫下洞庭若見岳陽
 樓上月為傳遺瑟到湘靈

採菱曲

百里澄湖雲日光輕舟搖颺藕花香採菱何處
 紅粧女惱殺春風白面郎

聊城趨菴平作

高士何如魯仲連甘心蹈海帝秦年射書忽漫
疑燕將今日傷心野艸烟

其二

坎壈予行尚百憂君臣魚水道何由菴山秋日
頓回首一代風流愧馬周

東田長官

矯矯田郎三輔賢省曹播越五經年河洲水竹
新開郡暇日閑看鷗鷺眠

四集二十八卷終

石倉十二代詩選

四集二十九卷

少室集

大明

河南楊本仁著
後學曹學佺閱

萬物無定形篇

萬物無定形妍媸視所遭片言不入意百喙空
喧囂或為和氏璞或為彌子桃水亦失其深山
亦失其高所貴君子心亭亭當風濤蛾眉千黃
金一誤成鴻毛君王不好劍保此匣中刀

佳人

上國有佳人紅顏美如玉素肌自芳潔况復爲
 蘭浴三十不見徵羞鸞對草燭性本愛朴靜舉
 世尚煩縈此身雖可嫁此心不可曲蒼黃誤斯
 須萬金難再贖未得同心人華髮寧空谷倚樓
 意自知輕燕飛相續爲惜春風姿垂簾窺清旭
 嗟哉東鄰女長嘯光景促

沐浴子

少小自矜持揚蛾理玉步燦燦三春華立取千
 金顧一旦入昭陽玉顏乃無數承恩更相前半

非平生度近傳媚新粧益覺夙心誤豈無芙蓉
 帳獨倚雲屏暮溶溶牛女月涓涓合昏露良會
 自有期妾心當自固

同齊蓉川憲使登太白樓

飛蓋登古城浮雲故故奔太白去千年此樓誰
 爲存江河無盡流東岱猶西崑賢聖豈獨在
 李竟何言古人一寸心常吹百代壘耿耿平生
 懷宜與健者論

雙鷺篇

澹澹水上雲離離水中藻明月照孤峯長江白
浩浩平生故人心歷歷爲吾道在少謀常疎更
事多在老一言相千秋漢皇亦草草相視了無
語中心兩自喻擇衣莫若新擇人莫若故古木
能霜雪老驥暗道路援琴鼓一曲溪際落雙鷺
石梁鷗贈九峯山人

春江靜無聲夜深蘭氣發孤鷗生石梁炯炯窺
明月意態澹於水對之塵慮歇誰乘一葉舟波
流過超忽

小詩慈恩寺別高蘇門

鬱壘天日黃大道埃氛厚振鞅誰爲情蘇門天
下偶高唱薄煙雲微音破壘缶平生懶送客今
日惟恐後靈氣霽諸天法雲裊慧牖蕤蕤枝上
華泠泠峯前瀏玄解似託禪冥心空對酒徒倚
忽日夕喟焉傷簪綬與君俱壯顏音塵謝回首
舟至長蘆喜逢徐鳳岡節推

涼雨濕征帆孤雲澹容與千里忽逢君倚棹欣
相叙未憂平生懷各自放船去幾年雲嶽思片

歷代詩選 明楊少室
時萍水語豈無芳杜洲眼見不得踈迴首渺烟
波誰令匆如許

益門鎮

西走窮秦川雞峯照涓源始至益門口覺我色
氣掀兩山如列壙清江中怒喧孤逕引千仞斷
崖只半存誰爲造此險壯哉此益門西扼漢江
流南固巴蜀垣一夫仗劍前百里空崩奔往者
有凋顏來者申苦言豺虎與奔峭仰面聲容吞
不信攀躋艱但看衣履痕悲辛未足宣夷險吾

不論丈夫四海身安得恒丘園秀木不叢生高
禽多孤翻險勝方自茲有蘿垂當捫興惡靡兼
遂前却生煩寬豈不憚崦絕聊欲壯精覓

剪茶坪

山下多景暄山上早雪殘衆人厭卑棲高軌無
常完巖峭風色緊泥滑石噴岫不知程近遠急
景墜層巒僕夫戒顛遽一步一長嘆谷嘯虎暮
驕枝啼猿暝懸歛耀過飛星怒雷聆奔湍何不
策飛軒至在義馭前白日見蹙岐馳道聞金鑾

歷代詩選 明楊少室
但當戒冥行勿勞辭路難

新店館

山程選恒畧曙色停驂服野館枕巖壑自取南
華讀疎燈燄不高簷雀時來撲微風捲落葉似
有山鬼伏羣動聲俱寂顧之唯予僕出門仰天
笑我何在此宿徐捫蒼精龍胡以寫幽獨

驅車篇

驅車復驅車驅車魚鳧城我家長河湄胡爲在
茲行相去萬里途冰霜歲將更奔湍無重迴何

顧世間名萬鍾等浮烟一瓢足此生明日驅車
轉柰此車上旌慷慨歌遠遊月出錦江橫

歲寒篇寄唐荆川太史

情至鬱不懌攬衣陟層岑上有千歲松下有萬
竹林南矚匡廬峯淒風吹我襟烏鵲慕儔侶逝
江夕沈沈瑤華爛可掇美人江之潯胡繇寄一
言知予歲寒心

早秋岑蒲谷公署同賦以楓落吳江冷爲
韻得吳字

吏程不及炊攬衣卽炎途薄帷耀赤景高鳥無
卑呼丈夫中榮名氣常若有紆將心向知已知
已但長吁微風從西來大火垂一隅感此片葉
零慨彼萬化徂清觴命儔侶寧知碍與拘潘紱
還投晉張萼終戀吳時窮金石彫一笑焉所須
返照用鶴翻松露滴衣裳爲韻

羲馭無柅軌朱躔迅奔歷西馳濛汜間迴光矚
天壁世途固有窮精神豈終溺曜彼若木花東
影企良覲何沉不有升疇能辯昏晷不見天地

初萬水生一滴感此詘信理怵焉顧名勦老氏
守其黑斯言若霆擊

秋江篇送權使董東莊地官

淒颯喧颺波清瀾起白鷗素懷鬱未申業具萬
里舟今日溢江側明日荔江頭挂帆信長風人
生良悠悠且復盡一觴聽我秋江謳鬱林石可
載交南香可投先民一何迂咄此纓冕儔榛塗
有卓軌膏林多下流使君非玄璧身與連城謀
吾願獻清朝奚翅登天球和光人不覺拔塵聲

乃浮何不涵其泥斯言傷清脩願君盡此酒撥
棹難重躡不上芙蓉峯不登明月樓登高令人
思望遠令人愁

發南樂

凌晨疾發南樂縣北風吹人緊如箭馬如縮蝟
半前却鞭策莫施日色晏一僕健者不能騎弓
臥沙中淚如綫君不見雲中甲士晝不飯雪裏
執戈夜防戰

送同安許進士歸養

天高水波木葉下秋風吹人意灑灑繞奔飛鳥
啼不棲客子終宵淚盈把人生有親不得養富
貴功名俱土苴數寸簪拋輕若芥八月舟行疾
於馬海內非君獨有親白雲滿山鴻叫野十年
宦跡餘雙脚聞君解纜心躍躍鍾鼎何如菽水
歡掉頭不問麒麟閣丈夫親在仕為美親不可
來仕可已折坂未躡車先回不得為臣得為子
舜袖高拂露冕峯華裾光耀苧溪水從來天不
虛生材盛時一失君焉埃補袞常求斷織家君

才豈合終爾爾輔世長民自茲始

二月十七日大雪走筆戲簡東莊

春半江南寒轉劇北風一夜雪盈尺溪苑官柳
俱飾顏莫辨深紅與淺碧鶯燕吞聲曉自疑蜂
蝶失意春無跡鶴唳烟生瑤草齊雲移恣動永
花坼江上若聞訪戴船城中倘有袁安宅道人
門徑無春冬一泓清淺石室白

黃鵠樓贈余草池貳憲雲南

五月南風江怒濤美人別我心煩勞何以贈之

宮錦袍黃鵠山前水烟紫見君文章亦如此肅
愍公後青谿公况君兄弟俱人龍矯矯雄並岷
峩峩西南天地予曾到江山徃徃稱靈輿

其二

盤龍江險船不通土會逆氣生白虹美人雄劍
纏秋風炎徼夷心羈縻耳請君試看滇江水五
華蔚蔚秋氣高螳螂川水不生潮與誰同醉月
明宵碧雞黃鵠秋相連有懷寄我日南篇

九日虞山宴集短歌行

高天急景萬山陰重華古祠秋蕭森雲捲夕風
月正南碧空如掃江沉沉把酒都懷帝子靈捫
河欲寫蒼梧心桂海無霜雁不來黃華紫萸觸
客襟無那高歌落木篇露華髣影秋千尋此時
何人不盡觴橫笛未斷清猿吟九疑聖人在何
處耳中恍忽聞韶音回首中原嵩少北龍光正
引重華岑將軍撥劍促歸去眼底幽并起萬慮

月

朱夏娟娟月黃昏細細明清光星半滅涼色雨

初晴偏爲湖山勝不妨烟霧輕誰家簫正好吹
出鳳凰聲

雪夜

炯炯寒雲暮泠泠霽雪天倚樓思吐月把酒憶
登船往昔窮通路平生三百篇歌殘還欲寢憐
爾舊青壇

迷津

騷客與風人偏於雲物親秋山多健翮春水鮮
沈鱗河嶽雙吟目鶯花一病身壯心長耿耿何

日板迷津

有懷

蚤年安寔劣中繫簪組間對人覺性拙多病得
官閒拊纓思渭水立馬看秋山憶爾同袍子何
時開此顏

池亭

夕景半陰霽池亭簾四開落花人散後細雨鷺
飛來汶泗秋新漲雲山晚更迴此時無一語矯
首獨遲迴

新景聞雁

為客驚時換羈懷感物深有錢終買鶴何日定
抽簪雁似去年語人非故國心朔雲湘水意歷

歷墮秋砧

浮世常年客清源幾度遊殘蛩咽萬木寒雨立
羣鷗鄉夢雲間翻吏情波上舟漁歌簾生捲無
數荻花秋

早發硤石驛往觀三門山行

驛路初逢浚山蹊萬折通牛耕千仞上馬在百
盤中高日草蟲亂微霜柿葉紅秦關百二地西
望氣先雄

山行懷望

山路登攀倦鄉園何處天側身千礪口勒馬萬
峯巔白髮雙親遠黃河一綫懸俯看鴻雁影難
寄益門篇

十二月十九日立春

龍氣驅殘臘春風上縑袍吏情看雪竹時眼向

溪奔歲月入雙髻身名等一毛聞挑新菜甲回
首憶兒曹

省中夜集答少吳韻

佳境豈在遠呼觴省奩陰月華臨鶴影松露瀉
琴心古調無南北明河自淺深美人清絕意飛
動白雲岑

除夕同年宴集用孫蒙泉韻

節換難為客况逢除歲心窮年俱異域顧影惜
同林霜檜晚逾厲烟鴻羣欲吟平生耿耿意不

分歲華侵

滕王閣宴別徐芝南少叅

萬里秋爲客長風吹夕陰霞暉與雁遠山色坐
人深把酒閣前意停帆江上心名區應有作誦
爾芝南吟

登後園山脚

獨坐悶如此起登西山岑孤雲橫遠目疎竹豁
煩襟廬嶽蒼烟接湓江暮色深中原有兄弟偏
觸雁鴻心

月夜聞笛

淒切誰家笛無端攪客襟月明沙塞遠梅落霜
空深天地孤鴻夕江山千里心倚雲忽自省聲
斷不堪尋

宿圓通寺

幾度匡山道俱從夜裏過凝笳動危斗列炬掩
垂蘿欲證西來果誰還東逝波浮生遭吏縛無
語向頭陀

上元江州對雪

萬國燄燈候孤城春事違人烟江閣冷雨雪暮
 鐘微為客那親俗憂時未息機一年方勝夜何
 處月光輝
 歲暮
 江山身一旅襟帶月千霜生事石堪枕年華霞
 可觴未甘同草木祇合任驅黃莫問山人意家
 今嵩少傍

訪南臯新集

問訊南臯客新居隔世氛買山半為竹構屋四

通雲泉欲知來處鶴寧放出羣裘羊吾自忝何
 徑得從君

秋懷

一官別故園萬里水雲間朋舊增鄉夢風塵減
 吏顏斗傍占異氣漢表望前山他日應相笑鬚
 眉半欲斑

其二

思汝如江水東流無淺深風高鴻雁影天遠歲
 時心夢裏辭難達愁來涕不禁別時曾有語吾

意在泉林

開先寺

秋入開先寺人天覺異芬瀑猶垂古色鶴不受

塵氛塔影纏僧氣爐峯帶夕曛狂來淬雙劍欲

挾萬重雲

過柴桑橋

曠代高人里經過潯水濱浮陰天欲雨絕境石

生雲亂世菊三徑深畏酒一醺未能拋印綬無

地謝徵君

落星石

浸日鯨波動垂天星石孤拳宮龍獨宿髮逕鳥

相呼白晝常風雨精靈定有無吏衫塵土重舍

笑問兒雛

八月十日侍東峯少司徒觴觀瀾閣

八月觀瀾閣追隨上宰遊窗舍孔壁雨閣隣孔廟簾

捲鄱湖秋夕翠沾雙騎殘陽渺萬舟看山無限

境乘酒問邊籌

冬日郊園小集用鶴洲韻

陸代詩選

明揚少室四集卷三九

十四

六

主人饒野興新自楚江來
花藥冬堪藝烟雲晝
忽開拂霜營小圃摘菊泛深杯
借問樽前客誰
能數往回

鶴洲携酒再集

早得長卿書命觴重款予
孤雲紫杖屨朋馬度
軒車晚歲竹香細夕林烟色疎
放言及莊老吾
自愧吾廬

冬菊

菊花寒自力那受世間憐
若有幽人節正宜遲

暮天風霜心獨苦丘壑意常偏
不見陶元亮殷
勤向爾前

東山寺

五祖傳心地雲山思不窮
一身元是幻萬事不
離空僧臘月痕白吏情楓葉紅
坐來忘去住天
地大江東

黃鶴樓宴別同年劉安峯憲副

鶴樓多勝色佳日共追攀
春水開江面晴雲展
客顏捲簾捫碧落把酒對青山
猶是看花月逢

君髻未斑

小暑日舟發武昌泊漢口有懷同游諸公
食楚觸三暑謬為時所容故情別更覺何地重
相從黃鵠磯頭月金沙洲外峯隔江耿耿意臥
聽武昌鐘

龍門月夜聽笛飲杯自酌

把酒龍門暮星河淨不流何辭今夜醉真覺此
生浮笛影千山月灘聲萬里舟炎荒吾自遣簾
捲渚花秋

元夕舟中小集無月

異域逢元夕孤蓬烟雨心共看春似水彌覺漏
如金杯引短長鼓山傾笑語襟光輪歲初滿誰
為掃輕陰

壁崖晚泊

天地今何夕一觴聊共親江螺旋捉月野薺故
挑春絕徼烟嵐窟清朝放逐身無端見漁父萬
事負垂綸

夏日水邊

三日不雨鬱蒸深江頭奇裏開煩襟荷花半放
蛭雙坐沙柳獨歌蟬一吟鳧燕時時下渚尾水
雲漠漠空人心疎迂漸擬通時變執爇仍嫌惡
木陰

九日

客底重陽無長物苦吟不放菊爲勞晴瞻上苑
秋偏麗翠壓西山晚自高節序能堪桑梓夢身
名孰與雁鴻毛漫隨糕酒霑恩澤珍重平生喜
布袍

代送省長

萬里君分刺史竹十年同作尚書郎到時南國
花窺鶴去日西曹杳滿霜八詠孤懸秋月迥雙
溪一闢春風長周家天子重農事五百灘頭合
種桑

十月十二夜客散與仲立步月城下

明燭清樽客自闌相携徙倚夜彈冠龍城千仞
馬雙立霜月半輪人並看輕組在身如有繫長
風到面不知寒參橫河靜聞啼語颯颯高烏棲

未安

冬夜同仲立訪誠甫

鼓角嚴城晚興賒共携冰月到君家大行門巷

夜如水蒲院林檎冬欲花意氣高談三尺劍星

河仙泛幾時槎懸知寄目雲霄上萬里迴看接

翅鴉

過仲立宅

出門清興定誰適工部長貧不厭頻一飯旋謀

供落暮兩人相對各閒身青山白日論交態野

水秋風有釣緝堅坐無言上明月半天松竹拂
冰輪

滄州阻雨

落日滄州獨水涯孤蓬細雨未眠時中原雲斷

庭闈澌北國春寒花柳遲倚劍魚龍深自遯艤

舟鷗鷺漫相隨百年懷抱唯今夕鴻雁一聲風

四吹

漫興

天地春風燕到遲
癩心常是覺羈縻
去年最苦

歷代詩選 卷之九
半年病明日定憎今日詩僮僕漸能思舊樂鸞
花近若怪深思登樓忽見黃河水月色惱人何
所之

觀水

平湖秋漲沒通津獨立沙頭數釣緝遠水澹烟
遺世鶴扁舟細雨采菱人官當拯溺慚吾楫勢
若望洋嗟此身萬里晴雲開晚色遲迴天地岸
吟巾

挽兩峯羅道承同年

秋落河流咽不盡關山涕淚兩峯前雙親萬里
孤兒襯暮雨江濤九月船劍氣長沉螺水夕珮
聲如在鳳城烟哭君重憶別時語白雁飛來霜
滿天

雪後同蓼溪過菴新齋遊青岡外氏園

城中不盡春前興郊外聊傾雪後杯十里冰花
宜並馬半山寒日共登臺席邊峯起雲常潤枝
上梅香鵲故來高臥至今應不穩知君俱是濟
時才

過開州挽王公濟

玉溪先生知不知中原故舊長相思
黃花如見登樓與萬里那堪帶劍悲
到處有山皆着筆平生為吏只宜詩
百年誰復收遺藁落日迴風馬去遲

別邵玉泉曹長

南國風流推邵子清源重見轉相親
池邊酒氣能醺鳥門外春寒不着人
舟楫漫勞憂國夢鶯花偏切苦吟身
思君應憶淇河水風雨燕山易

愴神

甲午清明日

時與弟義傑居丈興隆寺

寒食燕京愛野觴九郊春滿烟蒼蒼
晚霞過雁家千里孤月就人僧一廂
花片愁霑太液水鶯聲懶出深宮墻
天涯兄弟聊相慰南望無心賦草塘

儻居

性懶不緣應接倦官閒頗得出行疎
落花乳燕三春客細雨輕簾一卷書
無僕可能芟藥草有

時自起灌芙蕖悅心何必多馳騫桐月娟娟最起予

送叔丈劉虎村先生出守程番

龍番虎符六千里蠻峴秦封十五年笑却虜塵
曾躍馬坐移夷俗更調弦二京漸識風流韻三
世猶傳詩禮箋關鍵滇南才不少壯懷早寄干
城篇

西碧山人晚節堂

滇門地古開靈輿晚節何人爲築堂石洞鶴來

山月迥巖扉雲散松風長投簪故結烟霞果倚
杖偏聞水竹香躍馬眠鷗俱意氣肯將秋色負
吟觴

部直

八月長安風色寒吏情鄉思獨凭欄暮雲捲盡
秋山碧白雁飛來霜葉丹拙宦奚妨長刻鵠羈
心敢復厭加餐烏啼吏散含香署松檜陰森倚
劍看

順門晚直值雪

朝來日下候金扉晚向雪中騎馬歸朔氣不知
長樂殿寒花偏妬小臣衣漸看暝色催宮漏猶
似天書下瑣闥欲去更留林鳥合乾坤迴首寸
心違

秋懷次研江先生登樓韻

自從爲吏風塵間馬上逢人無好顏愛國漫勞
憎白髮違時終合依青山功名富貴寸心在江
海鳧鷗隨處閒日暮倚樓吟蟋蟀迴風吹雨燕
飛還

雲中

雲中兵馬雄天下世習忠疆壯本朝一夕變
弓中虎幕百年建節墮雞翹漢高臺上風長駿
蘇武城邊雪未消胡馬蕭蕭飲河水那知四塞
盡嫖姚

九日弘法寺宴集值雨

九日祇園亦勝遊晚風吹雨四山秋烟雲故礙
登臨日天地况懷今古愁鴻雁不來人自醉真
僧無語杯常浮黃花負我興非淺騎馬衝泥何

處求

正月八日小雪

澹月微雲隱隱光
天風吹雪映迴塘
六花不避三陽勢
聖主親焚午夜香
獨上珠簾看意象
坐燒銀燭竟微茫
宮梅苑柳春先透
細灑輕沾總不妨

九日復飲前山宅

中秋共飲天無月
九日重來菊未花
把酒漫勞吟落木
遶籬空自吸明霞
水邊烟裏見鴻影
竹

葉忝梢有露華
何似君身得閒散
天風吹帽一長嗟

雨發觴西岡園

故園秋盡獨西征
寒雨蕭蕭馬一鳴
千里關河看過雁
百年冠劍逐流萍
聊從勝地開塵抱
况有名花勸客觥
一杯揮不盡殘雲
斜日鼓鉦聲

楊震墓

平生最慕楊伯起
今日關西拜古墳
四海冠裳

真有淚當年朝著可無君飛流晚過黃河水高
掌晴攀華嶽雲千古四知心不死一杯清露絕
塵氛

栢林寺灣

孤棧凌空雪後行半山古寺晚鍾清人從碧落
窺丹壑僧在白雲捫紫笙翠栢不凋前代色吟
猿偏作異方聲迴風落日江流急匹馬千崖四
望情

馬道驛雨駐

野館蕭條風四吹况逢寒雨泥牽帷遲迴故弭
雲邊節沾濕聊看水上碑在樊河橋上相傳往
噲脩棧時建橋
日塵沙秦塞曲百年懷把漢江湄烏啼鵲噪綠
誰急獨對東山把一卮

雞頭關下忽得顧懷東掌科書知其夜亦

到漢中府相期各數千里而顧不先不
後如此云用紀一首

過關忽得黃門訊千里如期事亦奇幾夜雲霄
牽遠夢一時魚雁謝相思猿聲鳥道難為客廬

月湘烟定有詩今夕故人宿何處放情須倒彥
先卮

朝天嶺

西來總是朝天嶺梯盡巉巖髻有絲頗賴平生
存氣骨動於險處覺矜持半山得地烏常任絕
頂有松猿不知萬里風吹三尺鉞倚雲長憶謫
仙詞

飛仙閣

誰鑿巉巖掛碧霄一身千仞引輕飈雲邊飛蹙

鶴旋轉趾外長江山動搖

歲浮生飄若葉此

時健步穩於輶腐儒奔走終奚補謬辱名途壯
髮凋

雨東懷東掌科

往日思君今日深但將此意向知音那堪風雨
芭蕉夕同是天涯羈旅心病肺况經新斷酒逢
人枉說會投簪沉吟欲寫悲涼韻借問囊中碧
玉琴

顧懷東黃門詩時時見示內懷親念弟眷

眷不釋方與予有并舟東下之約故詩
以堅之兼解其意

予來遠謝香爐省君亦暫辭青瑣闈騎馬若焚
杜甫草間竒真愧子雲戶湘流共擬春停楫錦
水何緣夜濕衣滿眼江山俱勝跡風流肯與昔
人逢

十二月十一日早微雪雲沈沈至晚猶陰
燭坐久出門忽天碧如掃月光可掇此
蜀中所絕少者用是成詩

南州客夜稀逢月卽有逢時亦半陰今夕江山
應絕勝中天松竹故蕭森寒侵巖壑猿吟苦光
溢星河峽影沈何處笛聲更清切隔雲吹動故
圍心

聞顧懷東邇來通夕輾轉輒難成寐戲柬
一首

頗怪南州顧給事營蒐苦殺寐難成天涯歲暮
同爲客梁苑吳門各有情曠達何人輕遠別英
雄自古困浮名須知沈思神能損猿嘯鳥啼意

自平

郟縣除夕

除歲常年旅事微今年除夕更多違
浣花溪畔椒難頌玄草亭邊客掩扉
一燭夜深鴉自語三河春動雁將歸
有情節俗誰堪問鄉淚雙沾萬里衣

憶歸

千里荆門幾日程春風解纜錦官城
山經巫峽峯無斷江至夷陵路始平
畔圖存石蹟細濯

纓人去水痕清尋幽預擬歸時路
引首長謔萬古情

清明

懶慢經時萬事疎故園寒食會愁予
况堪二月鶯花畔病起三年涕淚餘
雙燕穿雲當斷藥羣鷗隔水對攤書
深憑濁酒開新火一笑浮名泡影如

鄉園諸親知席上留別

天地春風飛鷓鴣諸君高宴屬佳時
杯光滿映

繁花朶雨色輕沾細柳絲多病敢辭清夜醉有
懷重與故人期漢家宮殿凌雲發符汝翻樓最
上枝

海印寺同年宴集值雨

十年尊酒聚招提一笑相看慧鶴棲浮世萍踪
真若寄勝遊鵷侶故重携雨來翠壁生新色雲
捲珠林見舊題半醉何人問歸路輕雷猶在萬
山西

東林雨宿

往過鹿洞逢深夜今宿東林雨不開地勝固應
懸夢想山靈寧復阻人來壁間劒蓄風雷氣定
裏僧沈雲霧堆却憶當年陶令酒虎溪橋上獨
遲迴

南浦驛送石易菴回登鐘樓有感

城裏疎鐘城外舟無邊客興晚登樓西山影落
半江水南雁聲回萬木秋頗謂勝遊拋吏縛詎
緣非土入鄉愁吟眸小放雲霄上無那湖風吹
不休

秋日滕閣宴別胡簡齋舊曹長

曾板葦省春猶在忽接江城秋可憐廬阜青來
宿雨後章門濤落未霜前千年賓主有今日萬
里東南堪此筵天地江山須盡醉月明松竹坐
娟娟

江上懷督學蘇舜澤憲使

鎮重兵符據上游戰艘橫絕九江流栖栖吏况
堪聞雁颭颭風帆不下鷗北壺書來新退虜西
江月出最宜秋憐君說劔章門道意氣相看百

尺樓

江上贈馬鍾陽地官還朝

蕭蕭歲暮俱為客水國霜天仗節行半夜魚龍
吹萬艣大江風浪擁孤旌胡烽漢壘猶傳警北
雁南鴻總繫情天上逢人問疎謬時平不敢罷
談兵

咏梅

盈盈迥立絕塵妍遲暮逢君五老邊若隔輕烟
餘縹緲縱無明月自輝娟多心渾識春前意出

歷代詩選
卷之八
色全看雪後天最是隱君賦佳絕暗香疎影古今憐
今憐

園梅爛開

冰霜嚴景開如此皎皎孤芳羨爾賢非識絕姿
寧晚出爲舍真意轉深憐幾回欲折雲縈絮一
笑相逢月滿天却憶承槎川上日半開半落錦
江邊

穀日何沅溪王同野胡石陵三藩叅宴滕

閣值雨奉酬

潘君勝擇觴賓地滕閣千年映雨開江帶漁舟
還渺渺春生沙鳥故迴迴捲簾力送西山日倚
漢高傾首歲杯王謝陰何俱異代一時蔽省接
雄才

西園雪霽對梅

經旬鬱鬱綠誰劇雨雪泥人今到梅爛熳晴香
春入夢躊躇烟景暮登臺那堪眼底枝枝異正
想風前片片開相見不知相憶苦娟娟無語雁
飛迴

迎春日江州宴鳳原東莊二部使

異鄉節歲誰能那風雨塵埃鬢欲華春事祇應
拋馬跡吏情豈合對梅花長江特控東南國白
日雙懸霄漢槎共把一杯聊引笑晴看天際有
明霞

歲暮海天寺東莊地官宴

野寺隔江歲一到汀梅岸柳色氤氳江山樓閣
春齊入烟雨帆檣客欲醺幾點漁燈生遠浦數
聲僧磬落寒雲無端津吏催歸炬驚起沙邊鷗

鷺羣

正月二十三日東莊招與鳳原雨入海天
寺宴觀打魚回觴舟中雷電遽至於時
賦詩有雷電到船龍並吼登臨得句山
爲浮之句自以爲奇險棄之另賦

勝日招尋不厭遊美人相對賦同舟翠禽錦石
雲邊棹密雨疎簾江上樓冠劍百年隨汎梗身
名一笑落浮漚共君莫惜芳時醉傾倒春風杜
若洲

同鳳原宿天池寺

山青日白春無限千古匡廬共一觴
天上須眉開五老雁邊烟雨帶三湘
竹外垂空相鐘磬聲中聞妙香
軟語夜深僧定去石門河影動黃楊

建昌屏間見蒲鳳原往歲雪中見憶之作

寄答

蒲山西
僉憲

楊華飄亂別江州回首思君江水流
風雨幸存春雪句鶯花曾伴使臣遊
黃雲赤磧秋過壘細

柳疎梅醉去樓何日相逢重相問
犬羊那繫廟堂憂

元夕雨懷

江國三年長作客但逢元夕歲常陰
看燈每辨春來興聽雨能銷醉裏心
梅若有魂真欲斷柳方含色漸應深
一聲鴻起中原遠雲渺故山何處岑

春日江洲贈郭漸齋同年漸齋奇磊負氣
能詩廣東少叅以虜禍繇山西僉憲左

遷云

十年不見郭元振對酒高歌古劍篇別去陰晴
渾莫定與來花鳥自相憐聽鶯共結江門柳走
馬曾開御苑烟試把吏心看鬢影東風吹醉九
峯前

陳自所地部海天閣宴別

予來愛此佳山水別去觴予山水邊四月鶯聲
千佛閣半江帆影夕陽天萍踪重覺浮生困羈
况深慚不住綠何日相逢定相問爲君點簡浮

湘篇

九日同李元峯僉憲宿臨洛驛

秋風並馬帝京來候館聊傾九日杯雁語何
綠驚客座菊花應爲避塵開壁間劍在三閔近
夢裏書從九澤回鄉髻吏衫雙起舞月明人醉
憶登臺

上元感興

幾年江上逢元夕江柳江梅共愴予千里更堪
來早雁一燈空對讀殘書老懷兒女偏憐日野

况烟花厭見餘漫把窮愁問民瘼東風吹動武昌魚

登黃鶴樓

名樓振古多雄絕黃鶴長存天地間誰使題詩

驚太白遂令飛構跨人寰石亭明月虛橫笛山有

呂仙祠古屋寒烟自別山太別山有禹廟回首拊纓無限

意長江落日雁飛還

四月七日黃州對雨喜逢鄒一山省長

去年梅子熟時別此地相逢梅又黃薇葉故生

客裏意竹枝偏映雨中觴有懷魯繫玉宸側

何日初從金水傍手自摘梅笑相嚼衣痕重着

濺時香

夏日羣公過集

野人門巷經過少伏日那堪車馬喧百歲吏情

看棟燕一時吟侶對荷尊青霄座引風雲氣爽

地石生冰雪痕擬向小庭燒絳燭羽虫何事夕

偏繁

湘江感賦

何處水來乃爾清濯冠不減昔人情烟光到地
四山濕江色照予雙眼明伏櫪材堪供遠道窺
樊羽合繫浮名湘南粵北長回首欲把黃金鑄
屈平

九日梧州澗山方伯觴予拱日亭喜賦

雲斷蒼梧水急流半天風雨靜炎州龍灣虎石
三江色驄馬薇花九日鷗鄉思動存移菊計吏
情空抱站鳶愁斧冠故放登臨目共倚危亭萬
仞秋

舟中病懷

春事已拋三之二暮年情景總悠悠長貧豈少
烏皮几多病能堪青雀舟幻世蓬踪渾莫定瘴
江藥裹更何求人生行止那看鏡雙燕飛來芳
杜洲

九月十五日夜芹溪與槐濡川相與中天

露立見萬里一碧皎月如畫乃驩然命

酒引滿成詩

萬里炎荒對月難霜臺圓景並君看疎臨木葉

翠堪拾涼沁桂花明可餐
劍氣故衝蟾兔窟波
光如到鷓鷯冠江山佳絕
渾今夕莫把清觴放
未乾

張三峯都督觴七星巖

名巖故著嫫姚席羈况常投
山水綠水碧如空
秋自咽山青不動晚生烟
一杯擬出人間世萬
物渾成洞裏天醉倚長
松待明月鳳笙吹徹赤
霄篇

巳酉元日感賦

歲事偏從野老家東風門巷燕飛斜
蒲林翠竹
早時笋上日緋爽開處花一氣何緣天自異
孤
峯不動雲長遮平生少室山前宅
萬里回看鬢
欲華

池亭晚興

春霽江城吏事少池亭圖史故淹留
雲光到池
鳥爭下水氣着人魚出遊倚竹何緣成
獨笑折
蘭真不負相求伏波萬里山前意如對
平生馬
少游

三月三日同與槐學士泛江

勝日澄江齊放舸遷人詞客舊忘形
回回細數沙頭燕汎汎渾驚水上萍
雙槳晴樅三洞影一尊閒寫萬山青
遠遊歌盡還堪笑鼓柁雲邊負
獨醒

伏波山晚立

無事日看江上山百年懷抱隘人寰
微茫若在水雲外蕭散何知吏隱間
月出天心鶴共語風生石窟鶩俱閒
高賢異代誰相問霞影波光鑒

此顏

午日同芹溪憲使舟游還珠洞暮抵龍隱

五考

雨後江山如有待相携齊赴水東舟
一杯不盡三問恨雙劍何妨五日遊
亦有神龍曾夔屈是誰真隱與鷗浮
月明返棹觸仙氣無數昌陽石
上洲

雪後奉陪中丞東橋翁遊天池

匡廬勝絕天池寺留眼今來分更深
風動鶴松

歷代詩選 明楊少室 二十七
俱意氣雲橫臺殿故陰森上卿旌斧千峯雪名
地江山曠古襟述作真隨陶謝後珠光塔影照
高吟

江上絕句

半霽看江色扁舟漁子稀夕陽逢客話涼雨荷
綸歸

江湖詩舫爲九峯鄒山人題

半陂春水隱風雷河柳江梅路往回爲問此君
何所有一船明月載詩來

往登天池至雲封寺風大起不果登用賦
一絕

澗桂岩松翠濕衣山僧迎客開石扉飛仙咫尺
無繇接雲影鶴聲空翠微

憶劔東

小樓倚斷欲棲鴉羌管無情吹暮霞三十六峯
雲氣合滿山風雨落梅花

庾梅磯

風流四海庾元規意氣當年傾佐史何處南樓

不見人一天明月半江水

小菴咏

小菴初放不勝春天嬾那堪風雨頻不是先生惜顏色從渠要識武陵津

春寒

東風庭院側寒輕枝上青梅豆未成蜂蝶不來花自發一簾烟雨隔啼鶯

雷雨寒甚忽作雪吁怪成詩

陰雨經旬翻作雪急霰疎霰走霜臺憑君莫怪

春寒側山杏一株花盡開

四一亭小立

韶光半擲燕來遲風雨惱人雙鬢知聊向後園觀物意柳塘新水石痕移

石倉十二代詩選

四集卷二十九終

古今十二分詩數

古今詩數

覺

去

擗幽意

暗光半

四一亭

春寒



書